

Considerablas sperditas da taglia

Chantun e vischnancas ston quintar cun 26 milliuns francs damain intradas sche l'iniziativa da famiglias vegn acceptada

■ (anr/ac) L'iniziativa da famiglias da la partida populara svizra en votaziun ils 24 da november chaschuna al chantun ed a las vischnancas grischunas ina sperdita annuala da 26 milliuns francs da las entradas da taglia. Quai ha la cussegliera governativa Barbara Janom Steiner communitgà il mardi passà al cussegl grond.

La directura da finanzas, cussegliera governativa Barbara Janom Steiner, è sa exprimida il mardi passa durant l'ura da dumondas dal cussegl grond davart las consequenzas finanzialas chaschunadas da l'iniziativa da famiglia da la partida populara svizra. Ina iniziativa che prenda da generalisar las deducziuns da taglia per la tgira dals uffants a favur da tuttas famiglias. Accepta il suveran svizzer ils 24 da november l'iniziativa, ston confederaziun, chantun e vischnancas quintar cun damain entradas da taglia. Barbara Janom Steiner ha definà las sperditas finanzialas per il chantun sin 13 milliuns francs ed aunc ina giada la medema summa per las vischnancas grischunas. Communablamain cuntanschan las sperditas finanzialas per vischnancas e chantun la summa da 26 milliuns francs e quai senza resguardar las sperditas da la cumpart a la taglia federala directa. La directura da finanzas dal chantun Grischun ha vinavant stipulà las resalvas da la regenza vers l'iniziativa da la partida populara svizra. La cussegliera governativa e da l'avis che l'iniziativa cuntradia al principi da l'egualitad dals dretgs ed encunter il principi costituziunal che pretenda ina taxa fiscal tenor las habilitads economicas dals pajataglias. Barbara Janom Steiner ha re-



Il chantun quinta cun considerablas sperditas da taglia sch'il suveran svizzer accepta ils 24 da november l'iniziativa da famiglias.

KEYSTONE

spundi ad ina dumonda dal deputà Peter Peyer (ps Trin).

Inoltrà bleras dumondas

Il basegn per dumondas da la vart da deputadas e deputas è stà grond il mardi passà. En tut è vegnidas inoltradas dudesch damondas. Uschia ha la deputada Cornelia Märchy-Caduff (pcd Razén) vulì savair da la regenza tgè ch'ella veglia interpretar per garantir a scolastas e scolasts la paja. Differentas vischnancas fan diever da las pussaivladads d'interpretaziun stgaffidas da la nova lescha chantunala da scola pertutgant la paja. Las vischnancas uliveschan ina part dal surpli da custs provocads da la nova lescha da

scola via las pajas dals gremis d'instrucziun. Il cusseglier governativ Martin Jäger vesa paucas pussaivladads d'intervenziun. El ha visà a la veglia dal parlament da conceder a las vischnancas spazi d'interpretaziun pertutgant las pajas da scolastas e scolasts. E per l'auter, uschia Martin Jäger, sajan las vischnancas ils patrunds dals scolasts e na betg il chantun. Consequentamain stoppian ils scolast e las vischnancas sa cunvegnir pertutgant la paja, el mender cass avant dertgira.

Dapli polizia per dumagnar la criminalitad

Il cusseglier governativ Christian Rathgeb ha pri posiziun sin ina dumonda dal

deputà Gian Michel (pbd Schons) pertutgant il turissem criminal. Tenor las explicaziuns dal responsabel per la polizia chantunala grischuna quinta la regenza en il futur cun in augment da quai turissem da criminalitad. La criminalitad sur il cunfin è s'augmentada dapi la partizipaziun da la Svizra al spazi da Schengen. Prevegnir a lunga vista als ladernitschs e las infracziuns vul la regenza ina giada cun dapli polizia. Enfin diesch novas plazzas èn previdas per il futur. Ma era la populaziun grischuna duai vegnir integrada pli fitg èn la tschertga da ladramenta cun publicitar fotografias dad eventuals malfatschents tschertgads da la polizia.